

1872
28

持
門 九 5
號 3537
卷 32

重修揚州府志卷之五十一

人物志六

儒林

文苑

武勳

戚畹



宋

喬竦字立之高郵臨澤人教授州里倡明孔孟之教從遊者多以文行知名一時淮南數千里間視高郵若齊魯孫龍圖覺亦其徒也卒贈朝奉大夫高郵舊志
馬永卿字大年高郵人大觀元年進士初赴永城縣簿外家張氏諸舅命其求教劉待制元城永卿到任卽上謁元城問王鞏安否蓋定國時居於郵也永卿荅曰王學士安元城因謂永卿可教日後生不稱前輩字此爲

知禮永卿自是日造其門所與問答莫非粹言要論皆載所撰元城語錄中後永卿官終左朝請大夫

雍正志 江西

通志云永卿撰論語解十卷易拾遺二卷懶真子錄二十卷集十五卷

查許國字匪躬泰州人以奉議郎贊帥幕僑寓荆南開門教授忽一日令具浴顧門弟子取管幅來疾書曰七

十三年聖師之壽許國何人敢繼其後惟是平生恪遵善誘故從門人啟予足手即端坐瞑目家人環泣麾令

去留姪與孫侍弟子前曰先生將逝矣此時有何景象頗怖畏否即舒兩手曰此心閒而無事復筆詩一絕及

戒毋得用僧與火寓錢命弟子誦孝經擲筆拱手而終孫籥廷對中首甲乾道中攝貳夏卿出典大藩

泰州志

堯允恭字克遜海陵人景定咸淳間兩領鄉薦宋亡專意經傳邃於易深得性命之理江浙行省兩檄充濂溪

東川書院山長允恭皆不赴安貧樂善學者多從遊自號觀物老人大司農燕公嘗稱其古心絕俗清氣逼人

有詩文二十卷

雍正志

明

陳濟字用人儀真人好讀書尤善於易嘗言人當見無始之始而度乃貞周孔本色爰象間如將見之若溯流討源義文固一以貫之也宏治五年舉於鄉授禮部登

仕佐郎轉戶部差權北新關除上料外皆不稅公事暇但焚香讀易尋告歸初武宗南狩廷臣莫敢阻濟執簡伏奏者七每奏必廷杖七奏七杖皆竟七晝夜堅跪不起其剛毅如此善筮預知死期臨終著六訓曰儉以養廉勤以勵鈍恭以生義靜以抑煩和以濟方晦以保名命子孫世守之

儀真舊志

周蕙字廷芳泰州人爲臨洮衛卒戍蘭州年二十聽人講大學首章惕然感動遂讀書州人段堅薛瑄門人也時方講學於里蕙往聽之與辨析堅大服誨以聖學蕙乃研究五經又從學安邑李景景亦瑄門人也由舉人

官清水教諭學使者歎其賢薦景代已命未下而卒蕙從之久學益邃恭順侯吳瑾鎮陝西欲聘爲子師固辭不赴或問之蕙曰吾軍士也召役則可若以爲師師豈可召哉瑾躬送二子於其家蕙始納贄焉後還居泰州之小泉幅巾深衣動必由禮州人多化之稱爲小泉先生以父久遊江南不返渡揚子江求父舟覆溺死蕙門人著者薛敬之李錦王爵夏尙樸

見明史二百八十二薛瑄傳

王爵字錫之泰州人宏治初由國學生授保安州判官有平允聲其教門人也務以誠敬爲本

同上

王良字汝止泰州人初名銀王守仁爲更名七歲受書

鄉塾貧不能竟學父竈丁冬晨犯寒役於官良哭曰爲
人子令父至此得爲人乎出代父役入定省惟謹良讀
書止孝經論語大學信口談說中理解有客聞良言詫
曰何類王中丞語良乃謁守仁江西與守仁辨久之大
服拜爲弟子明日告之悔復就賓位自如已心折卒稱
弟子從守仁歸里歎曰吾師倡明絕學何風之不廣也
還家製小車北上所過招要人士告以守仁之道人聚
觀者千百抵京師同門生駭異匿其車趣使返守仁聞
之不悅良往謁拒不見長詭謝過乃已王氏弟子遍天
下率都爵位有氣勢良以布衣抗其間聲名反出諸弟
子上然良本狂士往往駕師說上之持論益高遠出入
於二氏明史二百八十三

王襞字宗順良子時九歲隨父謁王守仁會者千人守
仁命童子歌多囁嚅不能應襞意氣恬易歌聲若出金
石守仁曰吾越中無此兒也奇而授之學踰十年歸娶
已復之越八年父歿襞望日隆四方聘以主教者甚多
襞不煩繩削動應矩矱非其義千金至前不一盼也喪
祭必遵古禮建先祠置祭田月朔率子弟致奠考其一
月中所爲竟日乃罷敦孝悌睦宗族關於行誼者毫髮
必謹中丞凌儒疏薦於朝將召用襞堅臥不起未幾卒

其門人稱東崖先生

雍正志

朱逸良同里樵夫也易麥糶擇精者供母糗其糶秕以樵一日過良間行吟曰離山十里薪在家裏離山一里薪在山裏良謂其徒曰小子聽之人病不求耳逸因附牆竊聽講論聽訖樵去以為常良弟子宗姓者顧謂逸曰諗子雅志甚苦願奉數十金為子生理免樵作勞且得日夕相從商切幸甚逸曰子非愛我力卻之

藏

雍正志引名山

林春字子仁泰州人聞良知之學日以朱墨筆識臧否自考動有繩檢尺寸不踰嘉靖十一年會試第一除戶

部主事調吏部縉紳士講學京師者數十人聰明解悟善談說者推王畿志行敦實推春進文選郎中卒官年四十四發其篋僅白金四兩寮友棺斂其喪

明史二百八十三

韓貞興化人世業陶目不涉書史而慕聖賢之學聞王襃講學海濱往從之遊家貧裹麥屑數升俟諸生罷饌就其餘爨煮食之常曰道在堯舜堯舜只是孝弟遂躬行力踐言動不苟後自設教遠近來學者數百人有司餽遺一切謝絕家無儋石稍餘即分給貧乏督學耿定向與語性學大器重之其門人稱樂吾先生

雍正志名山藏云

貞三十尚鰥同學釀金為婚既娶出婦篋中裙布分給所親與約曰吾不梁鴻非若夫而不孟光非我妻所至

誨誘人善良者以千數每秋穫畢羣弟子班荆跌坐論數日興盡則拏舟別聚徧講如前

沈珠字汝淵江都人中正德十一年鄉試卒業南雍從祭酒湛若水受其學授江西永新縣頗著異政陞南京國子監丞告歸時從湛若水學者又有葛澗許繼繼字崇志儀徵人以明經貢於太學司業羅欽順奇之曰非凡器也其學收斂身心力行爲本不務訓詁詞章澗字子東江都人藏書至萬部澗博學有名理嘗撰明人物編洪武迄嘉靖人爲列傳甚悉雍正志張懋勳字堯光江都諸生性嗜學鍵關兀坐者三十餘年自謂於理學有得所著有二劍齋日編及心學正統

等書

康熙志

林之翰字爾憲儀真人幼孤嗜學坐臥處皆書隨處體認天理六字以自警萬曆二十八年舉於鄉習與鄒南皋徐匡嶽潛心討論又於里中文山祠創建學會四方士多聚講焉天啟三年除江西寧州守有巨族以毀婚構訟久不決翰諭以正理卽罷訟學使檄褫諸生三十人翰力爭之皆保全州民盧元洞山居僻險不易勾攝州人訟以謀反監司檄翰往勦翰察其誣開誠宣諭令元洞赴監司自訴誣乃白初寧民逋賦善匿官於試日責童子償逋以是與考者少翰盡召之考皆謂翰爲儒

重刊揚州府志 卷之五十一
吏云翰篤孝因母亾哀毀病劇卒著有龍沙會語澹臺

祠證學等編

儀徵縣志

李尚華字實夫儀真人年二十學舉業不成去而學賈三十尚居市肆貿易一日忽爲王心齋木主祀之冠履衣服皆務與心齋製合欲徧覽古人書先讀孟子讀不竟不治他事不熟則向心齋主跪讀竟日不起或自批其頰其治孟子瀏覽諷誦一日中卽辦數千言又或窮數日之力治一二句至浩然塞天地曰樂哉日月之經於天江河之行於地有如是氣矣自是經籍百家無不洞達出而遊學四方同學慕之有以制科勸之者微哂不荅徐而曰恐不如斯道之樂也作精一篇誠其子儀徵

舊志

孫兆祥字省卿高郵人生而端敏四歲母詹氏俯於牀授衣跪而受之曰禮在是父午泉病篤日夜禱於天請身代及喪哀慟成疾廬墓三年提學御史熊廷弼奇其文拔冠軍天啟間魏忠賢秉政楊左周魏諸正人咸被禍作禾已黃之歌遂不復應鄉試潛究濂洛關閩之學以紫陽鵝湖之見異也作格物論明善論以解之尙論古人曰史論事鬼神論心胡氏春秋斷以天理所以發人心之良知著天論良知論子臣心鏡諸書生平服隨

處體認天理六字子入小學卽鐫爲篆令佩焉崇禎十
年以歲薦當謁選聞流寇入中都傷焉遂不赴尋卒以
子宗彝貴贈奉政大夫吏部文選司員外郎入祀鄉賢

祠高郵
州志

國朝

朱澤澐字湘淘寶應諸生少有志經世凡天文算數河
渠有關於政治民生者博覽遐稽鑿然有裨於實用後
見性理大全乃篤嗜宋儒之學一以朱子爲宗而涵養
莊敬隨時體認已發未發實理流行數十年如一日雍
正六年

詔大臣舉賢良同里劉思恕總督直隸具書幣以請擬疏薦澤

澐反幣致書卒不就所著止泉文集八卷朱子文學考

略十卷子光進字宗洛能傳其父學

新
增

喬灌字星渚寶應人與同里朱澤澐相友善恪遵朱子
教人讀書次第由小學近思錄進以大學語孟中庸章
句集註或問又以次讀諸經及歷代史通鑑綱目大學
衍義等書一日閱薛文清讀書錄有云知一字行一字
知一句行一句乃瞿然若有所得痛自刻勵日取朱子
文集語類兩書切已體察有所疑必質之澤澐是時灌
年近五十澤澐亟稱之曰從吾游者眾矣惟喬君剛甚

因舉大學或問中不幸過時而後學一段及語類中訓
石洪慶且當莊敬持養獨觀昭曠之原一段以相規謹
聞之益自奮自謂向道已晚須用人一已百之功因題
其堂曰困學訂爲季會規條偕同志講論其中嘗謂我
生之初只有箇仁義禮智後來一切嗜慾畢竟與我何
益今日也想明日也想覺悟過來則心胸開闊工夫自
然勇猛精進此是爭上流法乾隆元年舉孝廉方正固
辭不就病革時苦楚萬狀曰吾自頂至踵無一處不痛
惟此心凝然不亂耳胸中灑落毫無係戀此八字差堪
自信又曰吾平日於懲忿窒慾遷善改過無一時或忘
到此仍是做工夫片刻也遂卒年六十五著有日省錄

訓子要言困學堂遺藁

行狀

王懋竑字子中寶應人康熙五十七年進士充教習期
滿當授縣令以母老求教職選安慶府教授雍正元年
特詔入都擢編修入直

尚書房二年充鄉試同考官旋以母憂歸

朝命治喪畢卽來京懋竑以老病辭得終喪尋乞休家無
長物聚書滿廚懋竑有志洛閩之學每從閩修作工夫
絕不自表襮而窮經論史壹折衷於朱子官教授時凡
呈稟概卻不受郡丞委監兌漕米以非職事所繫辭焉

葺培元書院日與諸生講學嘆皖地士習卑曾寄書家人曰頃見潛山一名士其奔走逢迎乃有甚於下江諸君者前輩云一號爲文人無足觀矣近日但一號爲名士則其人斷無足取蓋有爲而發也懋竝教諸生謂空言全不濟事亦不必深求只反之身心真實體驗於日用尋常行事處仔細檢點不一毫放過久之自然得力諸生聞之多踴躍奮起者又嘗謂講朱子之學在讀朱子之書而語錄之龐雜文集之訛誤尙不能盡辨何以發明尊德性道問學之全功於是盡取文集語類兩書審其文勢義理事證而區別之作爲年譜四卷考異四卷文集注語錄注若干卷又有白田存橐二十四卷續集別集讀經記疑讀史記疑偶閱雜鈔等書年七十四卒乾隆二十四年入祀鄉賢祠

同上

宮煥光字葆宣泰州庠生雍正八年保舉賢良方正力辭不就少以苦學致病淡食三年病愈而心性之學進嘗於座右書恐懼修省四字小有過卽閉戶自懲曰自責自修慎言慎動又曰屋漏有神不可欺一日無愧怍事此心便樂如是數十年年七十五卒

新增
上儒林
以

漢

陳子迴顏方廣陵人與王充同時賦頌記奏文辭斐炳

賦象屈原賈生奏象唐林谷永

見論衡案書篇

三國

陳琳字孔璋廣陵人爲何進主簿進欲誅宦官太后不聽進乃召四方猛將並使引兵向京城欲以劫恐太后琳進諫曰易稱卽鹿無虞諺云掩目捕雀夫微物尙不可欺以得志況國之大事其可以詐立乎今將軍總皇威握兵要龍驤虎步高下在心以此行事無異鼓洪爐燎毛髮但當速發雷霆行權立斷而反釋利器更徵他兵倒持干戈授人以柄祇爲亂階進不納竟以取禍琳避難冀州袁紹使典文章袁氏敗歸太祖太祖謂曰卿昔爲本初移書但可罪狀孤而已何乃上及父祖耶琳謝罪操愛其才而不咎以爲司空軍謀祭酒管記室軍國書檄多琳作也徒門下督卒

見三國志二十一王粲傳與略琳作諸書及

傲草成呈太祖太祖先苦頭風是日疾發臥讀琳所作翁然而起曰此愈我病數加厚賜見本傳注

皇象字休明廣陵江都人幼工書時有張子竝陳梁甫能書甫恨道竝恨峻象斟酌其間甚得其妙中國善書者不能及也

見三國志六十三趙達傳注

衛旌字子旗廣陵人淮陰步騭與同年相善俱以種瓜自給晝勤四體夜誦經傳騭都督西陵薦旌官至尙書

見三國志五十二步騭傳注

華融字德蕤廣陵江都人祖父避亂居山陰葢山下時
皇象亦寓居山陰吳郡張溫來就象學欲得所舍或告
溫曰葢山下有華德蕤者雖年少有令志可舍也溫遂
止融家朝夕譚講俄而溫爲選部尙書乃擢融爲太子
庶子遂知名顯達融子譚黃門郎次子譚晉祕書監

見三

國志六十四
孫繼傳注

案舊志有顧紳傳宋武帝紀作揚州顧練紳字自係
練字之譌宋時揚州治壽春與此地無涉今刪

梁

高爽廣陵人工屬文齊永明中贈衛軍王儉詩爲儉所
賞及領丹陽尹舉爽郡孝廉天監初歷官中軍臨川王
參軍出爲晉陽令坐事繫治作鑊魚賦以自況後遇赦

免見梁書四十一
九吳均傳

陳

江總字總持濟陽考城人祖蒨梁光祿大夫有名當代
父紱本州迎主簿少居父憂以毀卒在梁書孝行傳總
七歲而孤依於外氏幼聰敏有至性舅吳平光侯蕭勸
名重當時特所鍾愛嘗謂總曰爾操行殊異神采英拔
後之知名當出吾右及長篤學有詞采家傳賜書數千
卷總晝夜尋讀未嘗輟手年十八解褐宣惠武陵王府

法曹參軍中權將軍丹陽尹何敬容開府置佐史並以
貴胄充之仍除敬容府主簿遷尚書殿中郎梁武帝撰
正言始畢製述懷詩總預同此作帝覽總詩深降嗟賞
仍轉侍郎尚書僕射范陽張纘度支尚書琅邪王筠都
官尚書南陽劉之遴並高才碩學總時年少有名纘等
雅相推重爲忘年友會

陳書二
十七

唐

曹憲江都人仕隋爲祕書學士教授數百人公卿多從
之遊於小學尤邃自漢杜林衛宏以後古文亡絕至憲
復興煬帝令與諸儒撰桂苑珠叢規正文字又注廣雅

學者推其該藏於祕書貞觀中揚州長史李襲譽薦之

以宏文館學士召不至卽家拜朝散大夫當世榮之太

宗嘗讀書有奇難字輒遣使者問憲憲具爲音注援驗

詳復常咨賞之卒年百餘歲

唐書一百
九十八

公孫羅江都人歷沛王府參軍無錫縣丞撰文選音義

卷行於代

舊唐書一
百三十九

李善江都人方雅清勁有士君子之風明慶中累補太
子內率府錄事參軍崇賢館直學士兼沛王侍讀嘗注
解文選分爲六十卷上之賜絹一百二十四匹詔藏於祕
閣除潞王府記室參軍轉祕書郎乾封中出爲經城令

坐與賀蘭敏之周密流姚州遇赦得還以教授為業諸生多自遠方而至又撰漢書辨惑三十卷載初元年卒

子邕舊唐書一百三十九善上文選注表云竊以道

垂象之文斯著含章之義聿宣協人靈以取則基化成而自遠故義繩之前飛葛天之浩唱媧簧之後揆叢雲

詞人御蘭芬於絕代漢朝才子綜輦悅於遙年虛元流

正始之音氣質馳建安之體長離北度騰雅詠於圭陰

化龍東驚扇風流於江左爰逮有梁宏材彌劭昭明太

子業膺守器譽貞問寢居肅成而講藝開博望以昭賢

舉中葉之詞林酌前修之筆海周巡綿嶠品盈尺之珍

楚望長瀾搜徑寸之寶故撰斯一集名曰文選後進英

髦咸資準的伏惟陛下經緯成德文思垂風則大居尊

耀三辰之珠璧希聲應物宣六代之雲英孰可撮壤崇

山導涓宗海臣蓬衡叢品擗散陋姿汾河委策夙非成

誦崇山墜簡不議澄心握玩斯文載移涼燠有欣永日

實味通律故勉十舍之勞寄三餘之暇代約書部願言

知謬敢有塵於廣內庶無遺於小說謹詣闕奉進伏念

鴻慈曲垂照覽

魏模江都人與公孫羅李善相繼傳授武后時為左拾遺子景倩亦世其學以拾遺召後歷度支員外郎見唐書一

百九十八王紹宗字承烈江都人少勤學徧覽經史尤工草隸家貧備寫佛經以自給每月自支錢足即止雖高價盈倍亦即拒之徐敬業起兵揚州聞其高行徵之不起則天召赴東都擢拜太子文學累轉祕書少監紹宗性澹雅以儒素見稱當時朝士咸敬慕之舊唐書一百八十九

曹憲傳

重刊易府志

卷之五十一 人物文苑

古

李該字彥博廣陵人學無不通尤好地理圖志患其門類繁多文辭浩博乃會源流考同異勒成一家之說作地志圖凡禹蹟所窮漢譯所通莫不備載呂溫藻翰擅一時於流輩少所推尚從該遊獨久稱其為博達之士嘗為該序地志圖云萬麻志

五代

馮延巳字正中廣陵人以文雅博瞻稱南唐時授祕書郎歷官至左僕射同平章事延巳工詩雖貴且老不廢識者謂有元和人氣格卒諡忠肅雍正志 馬令南唐書云元宗樂府詞云

小樓吹徹玉笙寒延巳有風乍起吹皺一池春水之句皆為警策元宗嘗戲延巳曰吹皺一池春水干卿何事

延巳曰未如陛下小樓吹徹玉笙寒元宗悅

宋

潘閔字逍遙江都人嘗居洛陽賣藥暇日負囊騎驢看山行吟隨意所適終日不返好事者繪為圖至道初有言其能詩者召見崇政殿賜進士及第授四門國子博士後坐盧多遜黨變名姓緇服入中條山嘗題詩鐘樓句奇崛僧疑而迹之逸去朝廷捕治急閔出首謫信州移太平結廬瀕溪吟咏不輟詩苦淡清勁劉攽謂其不減劉長卿姓譜

崔公度字伯易高郵人口吃不能劇談而內絕敏劉沆

薦茂才異等辭疾不應用父任補三班差使非其好也
益閉戶讀書歐陽修得其所作感山賦以示韓琦琦上
之英宗卽付史館

宋史三百五十三

秦觀字少游一字太虛高郵人少豪雋慷慨溢於文詞
舉進士不中見蘇軾於徐爲賦黃樓軾以爲有屈宋才
介其詩於王安石安石亦謂清新似鮑謝軾勉以應舉
爲親養始登第調定海主簿蔡州教授元祐初軾以賢
良方正薦於朝除太學博士校正祕書省書籍遷正字
復兼國史院編修官紹聖初坐黨籍出通判杭州御史
劉拯論其增損實錄貶監處州酒稅使者承風望旨候
伺過失無所得則以謁告寫佛書爲罪削秩徙郴州繼
編管橫州又徙雷州徽宗立復宣德郎還至藤州出遊
華光亭爲客道夢中長短句索水欲飲水至笑視之而
卒先自作輓詞語哀甚年五十三有文集四十卷觀長
於議論文麗而思深及死軾聞之歎曰少游不幸死道
路哀哉世豈復有斯人乎弟覲字少章觀字少儀皆能

文

宋史四百四十四

艾晟字孚先眞州人登崇寧二年進士授杭州仁和縣
尉政和六年試宏詞中一等明年擢祕書省校書郎兼
編修六典文字一時同館若汪藻何臬胡松年孫覲皆

當時名士咸見推許未幾補外歷倅隰澧越三州所至

有聲終考功員外郎嘉靖志

陳造字唐卿高郵人年踰二十直院崔大雅奇其才勸

以求仕初調繁昌尉既分教姑蘇范成大見其詩文曰

唐卿亦高郵人使遇歐蘇盛名當不在少游下尙書尤

表得其騷詞雜著手之不置尋宰定海倅房陵攝郡事

皆有最績兩為試官亦稱得人官至淮浙安撫使參議

晚年自號江湖長翁有詩文雜著四十卷萬厯志

張象中江都人有學識與子宗彝宗古聯名中第宋宣

獻公以詩贈之曰棘闈舊價喧龍首花塔新題續雁行

當時榮之後象中直集賢院宗古集賢校理甘泉縣志

仲并字彌性江都人紹興二年進士歷光祿寺丞終朝

請大夫淮東安撫司參議幼好學強記每一展誦終身

不忘其母嘗屏所觀書几上惟臺麻一冊明旦默記吉

曜凶煞纖悉不悞及長潛心問學力排王氏一偏之說

唯六藝孔孟是師為文閎肆而關鍵整密所著有浮山

集十六卷嘉靖志

龔璠字子敬高郵人善屬文工書有晉人風格憲使舉

和靖學道兩書院山長官寧國路儒學教授調宜春丞

以江浙儒學副提舉致仕後寓家吳門著有存悔齋集

嘉靖志

明

李鴻漸江都人洪武初由文學徵仕至刑部尙書國初

辟薦由人材仕者江都計二十餘人惟鴻漸以文學見

徵當時榮之萬曆志

陸顒字伯瞻興化人明初由明經爲禮部員外郎兩使

朝鮮不辱朝命得專對之體方孝孺有送顒使朝鮮詩

康熙志方孝孺詩天命聖朝建極寧民乃生髦士以

備庶臣或才或哲或肅或敏或勤於遐或事於近維祝

獻甫孔敏且温伯瞻氏陸秀達而文獻也在朝自我先

皇罔統郊收職馬之長瞻者古訓習禮真言國典自儀

既節且媚維維朝難易姓東海自皇祖世於今二紀厥

父得國伯子嗣之伯也善讓惟弟之貽爰來請命以定

其位帝綏以德俾弗震懼藩臣稽首天子聖仁豈臣之

私念此遠民訓以彝倫錫以爵命璽書煌煌恩禮交盛

載修貢篚良馬先之奔走來庭天子賢之乃命政臣朝

鮮甚忠匪直也忠克順克恭命瞻與獻爾其子使曷勸

其忠發幣往賜藩臣之父之兄之弟之姻之戚陪臣大

吏咸錫良幣以示寵嘉使乎將命崇重而華蔚彼東藩

士多才語勿縱辯言惟誠是與誠斯動物公乃勝私廉

以服眾智以察微理義是憑人罔不化術以欺人將

汝詐明明天子聖德宣融照臨八表如日之中誰謂國

遠靡有不燭視彼要荒無異甸服管蔡構難東征三年

昔有越裳今也朝鮮軍國所資中土攸乏效爾馳驅節

俾遺闕滄海茫茫沮水悠悠往厭織締歸思重襄龍節

丹英往餞東闕式遄其征匪逃茲別天步清夷海宇晏

平羣生胥樂懌我皇明我其望之匪遠孔邇勗慎令猷

歸受多祉

石光霽字仲濂泰州人讀書五行俱下洪武十三年以

重修揚州府志

卷之五十一

人物文苑

七

明經舉授學正進博士作春秋鈞元能傳張以寧之學

明史二百八十五

張源湜字仲源高郵人洪武初由儒士授都督府斷事

擢御史出知辰州府賦詩黃鶴樓為時傳誦著有樵歌

集同邑撒祥字致和成進士後誦讀如諸生不輟高郵州志

高迪字元吉興化人清苦好學元末往來兵戈間未嘗

廢書偽吳屢聘不應中洪武十八年進士官廣東樂昌

主簿興化縣志

陸闔字伯陽興化人以明經辟為楚府伴讀端直修潔

善為詩工書畫所著有續古樂章及友蘭集十六卷俱

不見惟手抄古能書人一帖猶存興化縣志

蔣忠字主忠儀真人徙居句容有詩名與長洲劉溥鄒

亮等列於景泰十才子明史彙案儀真志云名主忠字存恕有兄名主孝字務本所

著有樵林摘彙少以無題詩得名主忠亦以芙蓉詩見知於世兄弟俱在十才子中與史彙小異

王磐字鴻漸高郵人好讀書縱情山水詩畫間尤善音

律度曲清灑構樓於城西僻地坐臥其中幅巾藜杖名

重海內所著有西樓樂府野菜譜等集萬曆志又康熙志云磐工題

贈善諧謔與金陵陳大聲並為南曲之冠嘉靖初李夢

陽就醫京口元夕飲楊一清家磐短衣下坐夢陽傲不

為禮已分題咏詩磐得老人燈遂口占云形骸憔悴不

堪描尚使心頭火未消自分不平年老大也隨兒女開

元宵夢陽心知其嘲嘿然而罷

黃諫字正卿高郵人博學工詩文尤善篆隸寓陝西蘭
縣正統八年進士及第歷任翰林院學士左遷廣州府
通判卒歸葬高郵諫著述頗富有書經集解大小篆隸
書月令通纂考古正文蘭坡集亢倉子音釋等書行於

世高郵

州志

宗翊字國潤興化人銳志於學淹貫六經作中庸一助
闡明道學分析諸家同異正德十一年爲中都斷事尋
陞登州府通判時有盜寇山東諸縣騷動翊至盜悉引
避去遂平乞歸田止茹屋數椽圖書數橐而已同邑陸
律字子和少從宗理菴授大戴禮能日記數千言由廩

貢爲龍游訓導著有從吾集

興化縣志

張縉字世文高郵人幼聰明能詩與兄經紘從弟繪俱
有名中正德八年舉人久之不第謁選得武昌通判專
督郡賦歲終行縣見有繫民催逋者縉愀然曰公賦固
急窮民凍餒囹圄亦可念也亟放歸期以春和完辦民
感之至期爭輸無後者擢守光州時歲凶民飢請上官
得穀數萬石賑之全活甚眾有忌之者摘其耽吟罷歸
隱於南湖自號南湖居士構草堂數楹貯書數千卷晝
夜誦讀目爲之眚猶令人誦而默聽之詩文操筆立就
雖率意口占皆合格調

高郵舊志

人物文苑

陸洙字滄浪興化人少負雋才與高郵王磐齊名以薦授工部文思院副使吳文定寬賞其詩嘗於大廷中亟稱之由是名愈著當閣瑾亂政嘗以一詩投李東陽云才名直與斗山齊伴食中書日又西迴首湘江春草綠子規啼罷鷓鴣啼四方傳之東陽由此避去洙晚節益恣獲罪戍邊死葬貴州

興化縣志

華細字源楚秦州人淹貫星緯精數學正德十二年進士科名皆預知授工部曹郎用御史朱節薦歷晉光祿少卿管欽天監鄭曉吾學編輯其疏載天文述竇子備以策舉以問士尋以事謫守蒲州稍遷廣西思恩府丞致仕歸治郡時囚越獄布算決去向無一得脫著有石府元機幽堂寶照皇極元機洞林秘髓靈樞秘要等書

秦州志

劉希文秦州人博涉羣書隨手評騭橐篋充棟或有叩以故實者輒具本末旁引曲摭聽者忘倦後司鐸長洲

士心歸之

秦州志

周璠字子重江都人以郡諸生補太學刻意為古文詞嘉靖間授福建惠安縣主簿旋罷歸初璠與同里史起蟄李應暘葛澗輩互相切劘既歸諸人雨散偃蹇故居翛然以著述自嬉書多散逸惟存邗城子二卷葛澗序

之萬麻志

黃一正字定父江都人屢試不遇銳意詩古文詞過名山川輒有記廷尉陳玉叔好古多聞稱為畏友司寇王世貞延之弇山園讀書子明昌十歲侍父客分韻賦金山詩有孤鳥擊飛鷺狂瀾壓伏牛之句長入太學著有五經埤傳事物紺珠諸書康熙志

李士彬字良華高郵人通象緯學著有乾象三易五經懲窒諸書築亭湖上倡酬無虛日刻有集翠亭詩藁一卷昭陽李春芳安宜吳敏道為之序高郵州志

朱永年字仲開儀真人嘉靖間貢南雍從祭酒呂柟遊究心理學仕河南光山縣以儒術潤吏治翕然有聲吏部李時春謂之古循吏會方士陶仲文寵於上以宮保銜奉命之興都監司臺使皆先驅郊迎永年弗往既見又長揖不拜仲文怒馳疏劾之免歸著有三山遊詠朱

仲子集儀徵縣志

陸弼字無從江都人治博士家言日夜不少廢又好結納賢豪嘗為詩曰匣有魚腸堪結客世無狗監莫論才何元朗激賞之趙貞吉當國議修史請徵前知縣王一鳴前同知魏學禮太學生王穉登生員陸弼入史館與纂修未上而罷著有正始堂集

章光斗字月鹿泰州人工古文詞以歲薦授浙江定海丞著定海三賦謝徵收常例卻視艦餽金嘗分修惟揚志有鏡古叢奇臆見心銘諸刻

泰州志

李存文字應魁泰州人嘉靖四十四年進士改庶吉士館試讀臣鑒詩詞林傳誦授吏科給事中陞工科右都給事上講學勤政一疏識者躋之外補楚藩參議未幾

引疾歸

雍正志

孫世恩江都人讀書不屑章句之學窮究義理本於致知宗事王守仁因自號曰養明萬厯中以明經授縣令

著有彙聞警心錄

江都縣志

顧大猷字所建江都人夏國公成之裔孫以勲衛侍從旋謝病歸用御史薦募兵江淮兵甫出被讒謫戍赦還母死早夜呼憤邑邑不得志而卒大猷事母篤孝撰鎮遠先獻記叙述先人勲績甚備搜採掌故條列時政著數千卷

陳以忠字恕先江都諸生性孝友析箸時盡以父產與弟曰吾有硯田可耕也精於易義常日六爻之義統於大象更為六十四卦大象說黃汝亨見之日今之虞翻

也

江都縣志

蔣善字元長江都人崇禎九年魁於鄉閉戶安貧研求

邵雍河洛數所著有史記彙十卷

康熙志

劉有綸字耿邗先世山西河津人以鹽筴籍江都兄弟八人登乙榜者三綸嘗為當事籌軍國邊儲有上葉相公言當世要務書及三忠詩文誠明緒言鹽法條議子

梁嵩

雍正志

葉崇本字元符高郵人兄弟四人皆博學崇本尤穎異所著春秋合傳六卷問棘籙言四卷易經講義三卷

高郵志

州志

馬駢字共甫江都諸生泉州守岱子與兄駢並有詩名

駢著紫泉集二十卷駢撰春秋探微十四卷

甘泉縣志

蘇光達字觀五江都諸生性至孝五歲失母哀毀如成人鄰母憫其幼市脩脯啖之拒不食長嗜學家故貧從

知交借書以讀冬無完衣長夜朗誦日出猶篝火熒熒為文疏解至理年三十八以疾終自經史以及岐黃農

圃之書悉手鈔錄易簣時尚手持一編云

江都縣志

高廷獻字獻公儀真人恩貢生著四書講義史段類鈔及古葉樓水香詩草同邑鄭燾字溥如肄禮記著有禮約四卷焚於火止存黃山草杜繼甫字荆璞年及耄猶考訂宋儒諸書不倦作西銘注疏傳家

儀徵縣志

國朝

熊敏慧字穎生江都瓜洲人順治二年舉人潛心性命之學兼工書畫晚居宜興張渚著有汲冷堂集子維熊歲貢生著有瓜渚貞烈志以傳殉節婦女又著閱史約

書十五卷

江都縣志

李澄字鏡月興化人移居高郵順治二年舉人嘗以父讐未報憤不欲生久之得巨斃之人稱其孝絕意仕進遍遊名山大川晚尤粹於經學博采古來聖君賢臣懿士淑媛之事附以論斷每歲饑出遊常載米豆百斛歸令諸子遍歷閭閻見飢寒者贈之又捐腴產爲義田濟族之貧者著有敦好堂詩文集三十卷懿行編八卷

經濟考八卷廬山志十五卷

高郵州志

黃暹字曉齋江都人嘗割股以療母疾下帷績學著有四書詩經說約春秋宗旨諸編生平尤好行義渡江次青山見覆舟出重金救之獲生者十七人

江都縣志

常典字叙五江都人明開平王遇春後也順治八年舉人授涇縣教諭著有大易手拈尊屏寶詮楷士寶錄諸

書

江都縣志

張標字玉立江都瓜洲人順治九年進士授工部主事榘南新龍江二關俱有廉能聲晉郎中歸標爲文根柢六經鎔錘諸子論者謂同榜中標與李來泰戚藩唐德

亮相伯仲云

雍正志

王方岐字武徵江都人玉藻子承父志不求仕與李宗孔汪懋麟吳綺訂閒閒社三君既貴乃與鄭聽菴汪枕濤彭退菴季松崖湯茗仙宗響山徐壘山宗嬾臞梁素菴爲竹西十逸徐元美記其事范荃作傳而贊之著蒙齋文集十六卷詩八卷祛塵錄哀談若干卷沒後同里史炤作文以祭之弟方魏字大名釋研易理著有周易廣義十卷纂周易解一卷廣義厄於火纂解分太極兩儀四象圖書卦義爻義凡六篇其說太極云太者大之義卽大哉乾元極者至之義卽至哉坤元又云卵中包含黃白內黃爲陽外白爲陰草木之實核以藏仁人物之胞胎血以裹氣是時陽在內生機業已亨毒陰在外意象猶然杳杳太極之象也周子太極圖中分黑白而又黑交於白白交於黑此則太極已剖非復陰含陽之象太極以陽爲主故其體圓其數一凡爻近陽者利遠陽者窮向陽者榮背陽者辱承陽輔陽者吉乘陽蹈陽者凶方魏善書法有朱釋十七帖一部北朝志

周漁字恕菴興化人淹貫六經旁通內典順治十六年

進士改庶吉士

世廟知漁通禪學

召至孚齋奏對稱

旨命坐賜茶與論聖學且

命作孚齋說梓賜近臣授職編修以假歸里閉戶十餘年著有

加年堂講易行於世大學石本疏論語吟皆未授梓同

邑陸震字仲遠嫻音律工詩詞著有陸仲子詞稿李步

塤工山水花竹兼通元旨有揖旭山房詩稿興化縣志

陸舜字元升泰州人康熙三年進士官刑曹督學浙江

每試士必自制一藝為諸生式以疾乞休居林下二十

年康熙十八年薦舉博學宏詞未赴著有雙虹堂集泰州志

桑豸字楚執江都人歲貢生工書畫篆籀力學篤行鄉

里欽服著有編年詩存四十卷文集二十卷廣陵紀事

四卷同邑吳蓮字余嘉著有愛日堂文集玉井詩詞若

干卷江都縣志

李瀚字士翔興化貢生喜談名理於釋典道藏及陰陽

卜家靡不該覽著有嚴庵集興化縣志

孫永烈字孝穆儀真人少受知於王士禎晚以明經廷

對徐乾學輩競相汲引皆不就著有經世要編十二卷

儀徵縣志

潘祈慶字履旋儀真人好讀書尤留心農田水利及五

經同異薦舉博學宏詞不就同上

汪懋麟字季用江都人康熙六年進士授中書時有楚人朱二省號神仙傾動京師懋麟著辨道論力詆其妄值憂歸薦舉博學宏詞不赴服闋以主事銜入史館與修明史補刑部罷歸以鄭樵通志浩繁手為刪訂著有百尺梧桐閣集二十三卷兄耀麟貢成均著有抱耒堂

集二十六卷雍正志

吳綺字蘭次江都人五歲能詩長益淹貫尤工駢體由拔貢生授中書奉

繼盛樂府遷兵部主事歷郎中知湖州府濬碧浪湖構峴山諸亭以成名勝郡人凌義渠為明末忠臣棺未窆

綺捐貲卜地葬焉既罷歸貧無田宅購廢圃以居有求詩文者以花木為潤筆因名其圃曰種字林著有林蕙

堂集二十卷唐詩註記紅集宋金元詩永等書雍正志

鄧漢儀字孝威泰州人工詩學太倉吳偉業合肥龔鼎孳皆與為倡和康熙十八年舉博學宏詞科授中書辭

歸次近代名人詩為詩觀四集江都縣志

朱璉字宮載江都諸生潛心理學著有大易捷解獄起

堂文集子潘康熙三十九年進士湖廣武昌道雍正志

吳世燾字幼日高郵人世杰弟康熙二十七年聯捷進

士改庶吉士散館授編修三十三年充會試同考官

召至乾清宮西暖閣試詩一首行書字一幅從

幸瀛臺作理學真偽論豐澤園賦選直

內廷以親老終養歸四十四年

仁廟南巡

特賜御書一硯一明年入都遷中允仍兼編修尋致仕歸三十

六七年間高郵頻遭大水燾詣巡撫疏請蠲賑五十四

年秋水大漲請於巡鹽御史發米三千石設厰東山下

又以小舟載米親詣窮村給之自冬徂春三閱月嘗條

列賑濟之法定為十則又著荒年賣粥說募社倉疏在

史館時分編淵鑑類函政治典訓康熙字典諸書高郵州志

史申義字蕉飲江都人康熙二十七年進士由編修歷

禮科給事中以疾歸初為詩倣西崑體既乃斂才歸法

風格益上

仁廟嘗遣中使至直廬問翰林中能詩者誰為最大學士陳廷

敬首以申義對其推重館閣如此雍正志江都縣志云申義祖史在策煮

賑施棺槨置義學家僕誤聘良家女急毀約謝之

顧圖河字書宣江都大橋人父九錫有文名圖河淹洽

經史工古文詞善書法康熙三十三年進士登一甲第

二名授編修時

仁廟閱對策至治河一條曰熟悉形勢必生長江淮留心時務者自是深被

知遇充日講官直

南書房與修一統志諸書出視湖廣學政抵任三月卒於

官著有雄雉齋集

江都縣志

杜光先字海樹泰州人髫年值母疾侍奉不少倦且籲天願以身代一夕母夢神授以藥遂瘳迄母歿臥父足畔三十年州牧柯榮講鄉約必列光先行事以為訓中康熙三十九年進士授浙江湯溪縣清正愛民屢有嘉禾之瑞湯人建生祠祀之告歸後研究朱程之學將終語其子曰我此時自檢從無不可告人之事遂端坐而逝

泰州志

王式丹字方若寶應人凝鼎之子以名諸生選拔入成均康熙四十二年會試

殿試皆第一授修撰分修皇輿表佩文韻府一統志諸書居官十年吟誦自娛罷歸後僑居郡城喜獎後進聞人有一長則津津樂道士以是多歸之著有樓村詩集及文稿行世子懋謙訥皆舉人孫箴輿另有傳家郭元鈺字于宮江都諸生士璟子

仁廟南巡獻詩賦取入纂修館與修佩文韻府又刻全金詩輯

元好問中州集并上之授中書有一鶴庵牛鳴雙村等

集江都縣志

俞楷字陳方泰州人由諸生貢入太學康熙四十四年供奉

內廷進經學劄子分析五經源流次第

仁廟嘉納之既以纂修敘續授華亭教諭所著三極易知錄等

書皆有功理學弟梅四十二年進士官編修

黃涪字伊人江都諸生幼工制義通經史家貧歲得館

穀供孀母甘旨更以資昆弟子姪衣食之乏性喜闡揚

幽潛凡里中忠臣孝子義夫節婦必訪其遺事撰傳贊

以表暴之母亡以哀致疾數月而終雍正志

徐濂字泗若儀真人雅好古文尤嗜史記嘗冬月坐火

奩上披古人書讀之絮褐爇已尺許弗覺也著有緯文

堂詩歌史游史論歷代帝王世紀若干卷同邑孫企綽

字天台宋龍圖閣學士莘老後聰穎嗜學著有尚書疏

義及古今策略讀史諸論儀徵縣志

陳厚耀字泗源泰州人康熙四十五年進士學問淹博

尤究心麻法算法研究數十年獨窺精奧及釋褐循例

授蘇州教授奉

召特授中書監修算法編修屢轉左春坊左諭德五十七年充

會試同考官以老疾乞休尋卒於家

雍正志 厚耀著有孔子家語左傳

分類禮記分類戰國異詞十七史正訛及天文算法諸書

賈國維字千仞高郵人康熙四十四年由舉人恭逢

仁廟南巡獻詩賦入直

武英殿四十五年會試後

特旨與中式貢士一體殿試登一甲三名授編修館閣著作多

出其手乞休歸更留心淮揚水利探源竟委纂輯成編

弟兆鳳三十八年舉順天鄉試第一與國維同榜進士

官檢討新

唐紹祖字改堂江都人康熙四十八年進士由翰林改

刑曹出守湖州府性醇厚與人交無疾言遽色嘗言唯

誠可以終身行之先自不妄言始其學研極性命尤詳

求經世有用之方年八十一卒遺稿多散僅存改堂文

鈔二卷吳嗣爵序畧

楊潛字滙南江都人善詩古文備四體書法以獻賦取

入纂修館康熙五十一年

欽賜進士改庶吉士授檢討潛博聞強記一寓日終身不忘家

貧母老每得俸先緘寄以養其母以疾卒於官雍正志

郭嗣齡字引年江都人康熙五十四年進士官松江府

學教授罷歸華亭張榮謂其孝親出自孺慕又能體親

之心周旋族黨中孤兒寡婦賴以完全名節者甚多師
事范荃盡受其時文法同時何焯焦袁熹方粲如皆引
爲同志雍正元年浙江鄉試聘爲同考官著有古文偶
存集玉山詩集印山堂諸制藝稿同邑謝九成字鉉玉
與郭嗣齡同師范荃荃授以經史古文之學教授湖濱
著有鶴墅詩鈔二卷樂府學步吟二卷湖上謝氏譜一
卷兄子旭有遣閒偶集一卷旭弟天霽有來青閣詩集

一卷

北湖
小志

張符驤字良御泰州人父世爵值歲祲賑粥修學宮除
三十六家保正符驤中康熙六十年進士官庶吉士少

承家學著有自長吟詩集依歸草文集與陳大始等論
性理反覆辨難多前儒所未發新

湯啓祚字迪宗寶應諸生少時有攜課士錄數十藝相
試者方食頃而閱竟已成誦邑中問字者以啓祚性峭
畏見但以簡牘列所疑空其半幅以授門者啓祚卽于
空處註明本原引証詳確頃刻千言未嘗架上抽一書
也所著有春秋不傳十二卷杜詩箋十二卷刪剩文稿
二十卷刪剩詩稿二十四卷保閒堂賦稿八卷刪剩詩
文續稿十六卷家傳

劉中柱字禹峰寶應人由廩貢生授臨淮縣教諭遷國

子監學正歷擢兵部主事戶部郎中出守正定府府舊
轄三十二州縣守令羨餘過他郡中柱至議一切裁去
上官止之曰君自可耳難爲繼也中柱僅留其尤輕者
餘仍罷時年已七十餘乞休著有兼隱齋詩二十卷又
來館詩三十卷南歸日紀一卷寶應名勝紀畧二卷并
州百篇詩一卷梓里詩選十二卷史外叢談八十卷增新
魏承吉字羽文江都諸生家貧嗜學於書肆搜括斷簡
殘編積成全書者充棟其經史諸子說部手錄者凡十
尺有奇四方徵文獻者咸取貲焉著有畱補集經解十
二卷白鶴山房詩古文鈔二十卷同上

李光國字智周興化人雍正七年拔貢肄業太學凡十
四試皆第一以博學鴻詞徵中乾隆九年副榜選祁門
教諭著有定齋詩鈔姓氏譜陰符經注帝王世系錄若

干卷

興化縣志

馬曰瑄字秋玉江都人祁門籍祖承運康熙間設厰賑
粥曰瑄好讀書與兄曰楚弟曰璠互相師友闢小玲瓏
山館偕諸名士結詩社著有沙河逸老集詩十卷曰楚
蚤卒曰璠乾隆初舉博學鴻詞不就家多藏書積十餘
萬卷築叢書樓貯之三十七年徵藏書家秘本乃編次
七百七十六部恭進蒙

御賜古今圖書集成一部藝林以爲榮子振伯著有經畬堂小

稿新

馬榮祖字力本曰瑄兄弟之族也雍正十年舉人乾隆元年舉博學鴻詞報罷後知河南閩鄉縣縣當秦蜀之衝與潼關相望城久圯榮祖起而新之創荆山書院調鹿邑又創鳴鹿書院治如在閩鄉時榮祖工古文詞作文頌九十二章自述并著石蓮堂古文十三卷家傳

李仙榜字皇士江湘字郢上俱儀真諸生乾隆元年同

舉博學鴻詞儀徵縣志

任陳晉字似武興化人乾隆四年進士授徽州教授有燕山堂文集后山詩集所著易象大意存解采入四庫

全書同邑趙秉忠字景光乾隆十年進士改庶吉士著

有秋墅詩文集載四庫全書書目興化縣志

俞埈字容萬泰州人乾隆十六年恭逢

高廟南巡獻詩荷豐貂文綺之賜學使莊有恭言江南獻詩者

百計惟此生詩最佳中三十年舉人選舒城縣教諭不就歿年七十二著有類苑聯珠百二十卷尚論管窺詩三千餘首古文騷賦百二十篇編年詩鈔十卷憶舊感秋吳陵郭北竹枝詞各一卷藏於家弟坊

恩賜副榜亦博洽淹雅之儒增新

宮翼宸字參兩泰州人官光祿寺丞以母老乞歸受詩學于查夏重太史刻有紅椒山房詩八卷楓亭詩鈔八卷子增祐乾隆十六年順天副榜孫協華四十五年舉

人家傳

侍朝字鷺川泰州人乾隆二十五年進士例選縣令辭不就曰吏事吾不堪也選國子監丞十餘年以總校四庫全書授翰林院庶吉士工詩賦古文詞歌行四六之體而詞尤擅場藝林稱之年四十有九卒桐城姚郎中鼐誌其墓新

任大椿字幼植興化人乾隆三十四年傳臚官至御史

工詞賦樂府古體究心經史傳注著有儀禮弁服釋例十卷深衣釋例三卷字林考逸八卷小學鉤陳二十卷

吳越備史二十卷子田詩集四卷節略

劉台拱字端臨寶應人永澄六世孫父世蕃以厚德著於鄉里官靖江縣訓導台拱中乾隆三十六年舉人以大挑授丹徒縣訓導性嗜學自六書九數以至天文律呂莫不窮極幽眇而於聲音文字尤深考證著有論語補注一卷漢學拾遺荀子補注各一卷三禮詩書並有

纂著行狀

程晉芳字魚門江都人歛籍家富好儒術購書五萬卷

招致四方賓客由此名曰高而家亦日替累試南北闈
不第乾隆二十七年

高廟南巡

召試賦江漢朝宗詩四章授中書後十年始成進士改吏部郎
與修四庫全書入翰林貧不能自給乞假遊西安卒于
巡撫畢沅幕中著有周易知旨尚書今文釋義左傳翼
疏禮記集釋諸書若干卷勉行齋文集十卷蔽園詩集
三十卷新增

阮金堂字宣廷儀徵諸生績學工古文精于音律善行
草書居北湖之公道橋嘗獨力修橋路人感之著容鬚
遺詩若干卷行世子二承春鴻皆諸生承春嘗應試泰
州或有遺金門首者待其來與之無德色事詳瀛舟筆
談有著禮堂詩集顏子內外篇竹嶼文鈔行世子天保

家傳

程名世字令延曾祖之猷自新安遷揚州累世積善名
世工為詩每往來於京口金陵暨吳越間遍覽湖山諸
勝復構別墅于寶應之柘溪晚始移家郡城四十餘年
得詩不下三千首自二十歲以後始有存稿著有坐而
安居詩三卷飲淥吟稿雲山小稿小酉館詩存五卷柘
溪集撈鰕集各一卷柘溪續集二卷海上集續集各一

卷春雨樓集二卷秋水芙蓉館稿一卷老屋吟稿海上吟稿各一卷另有詞一卷樂府一卷暨左傳識小錄國策取譬莊子貴言老管荀韓四子楞嚴法華維摩詰三經註本藏於家年五十四卒子四贊和乾隆四十二年

拔貢贊寧嘉慶七年進士官編修蔣宗海所撰傳

汪中字容甫江都人七歲而孤夙貧母鄒緝屨以供朝夕居城北僅三席地冬夜以薪蒙地而臥旦則以供爨事嘗以筋力致養貧不能就外傳母授以小學諸書稍長讀經史百家十行並下弱冠試詩賦第一乾隆四十

二年拔貢生朱文正公典試江南中作廣陵對凡三千

言所為六朝哀艷之文體清文潔志隱味深嘗撰哀鹽

船文弔黃祖文弔馬守貞文狐父之盜頌漢上琴臺銘並著於世晚年專治經術於古人名物象數條析縷辨著其大者釋以義例病後人之誣左氏疑周官也作左氏春秋釋疑周官徵文又所撰明堂通釋居喪釋服為義嬪於虞說瞽叟解釋連山釋闕婦人無主答問著於述學內外篇中事母孝家無儲石而甘旨之奉無缺篤於師友之誼少所受業師歿無子嗣春秋必拜奠其墓所著有述學六卷廣陵通考十卷金陵地里考一卷詩一卷春秋後傳知新記若干卷子喜孫嘉慶十二年舉

人中受知於督學使者謝墉尤深每試別爲一榜著名諸生上自後揚人益以樸學相勵新增

李惇字成裕高郵人祖兼五父珮玉皆有篤行惇生而穎異九歲入義學讀經史一目即記長通天文術算象數之學乾隆四十五年聯捷成進士掌教暨陽書院以經學教生徒從者甚眾年五十一卒著有卜筮論尚書古文說金滕大誥康誥三篇論毛詩三條辨大功章爛簡文明堂考辨考工車制考歷代官制考左傳通釋杜氏長歷補史記說文引書字異考渾天圖說羣經識小讀史碎金詩集文集共十二卷家傳

汪棣字韓懷江都人十歲就傳即解聲律作小詩有思致補儀徵縣學生援例入仕授刑部員外郎平反姑毆婦案劉文正公避其言奏如棣議歲餘歸即不復出所刻意者惟詩詞古今文尤樂與賢士大夫往還晚年故舊凋落爰溯文字相知之雅約百二十餘人仿漁洋感舊之例各系以傳棣詩少宗王韋晚慕涪翁詞在夢窗白石之間著有對琴初稿二卷春華閣詞二卷持雅堂詩文集十二卷松明風雅四卷唐宋分體詩選十卷年八十二卒子光熾光烜皆縣諸生光熾字晉蕃邃於經

學錢大昕墓表

賈田祖字稻孫先世北平人十四世祖愚以從明成祖

靖難功官高郵指揮司僉事子孫襲官因家焉田祖少好學多所瞻涉喜左氏春秋所為詩三千餘篇發言深摯哀樂過人性明達於釋老神怪陰陽拘忌無所惑尤矜立名節惜以諸生終

汪中述學

賈成祖字肇先乾隆四十年歲貢生少孤家貧精詩史學著有古香堂史論百二十篇詩集四卷制藝二卷與修州志子二棟進士另有傳槐舉人孫亮采秉冲皆舉

人家傳

賈棟字雲上乾隆四十六年進士讀書聰穎萃孔鄭程朱諸家言訓迪後進綜理普育書院添置學田歲饑率里人捐賑五十七年選授安徽績溪縣外艱歸服闋揀發浙省旋以母老稱疾不出年五十七卒著有古今文

三集詩賦二集

同上

江德量字成嘉儀徵人拔貢生乾隆四十五年聯捷進士

廷試一甲二名授編修改御史歷掌浙江江西道生平邃

於經術小學金石古文善詩工書尤習篆隸天津武成王廟碑是其遺筆所著廣雅疏諸書未就而卒詳淮海

英靈集小傳

儀徵續志

張能焯字芍陂儀徵人乾隆四十五年舉人經史皆手

錄及門受學者百餘人試無不售著有經籍要義四卷

綱鑑提要二卷百子金丹二卷反約集十卷儀徵縣志

顧九苞字文子興化人博聞強記以經術負盛名乾隆

四十六年進士子鳳鳴乾隆四十九年

高廟南

巡恭獻詩賦取二等中五十三年副榜尋卒新

羅應箕字南埜儀徵廩生性廉介事親孝母周病亟應

箕衣不解帶者二旬母不食應箕亦不食兄弟分產應

箕不取一錢老於文律窮且益工同鄉沈都轉業富李

進士道南皆激賞其才遇有交友主試輒不入闈時人

多以爲惜節

鍾襄字保其甘泉人深于經史之學嘗撰漢儒考于陸

氏經典釋文所載增多十數人他所著作俱足補經注

之缺亦善詩古文詞阮中丞元稱其博聞彊識爲刻遺

書若干卷舉優貢生尋卒新

李鍾泗字濱石其先阜寧人父世璉賣卜揚州市遂居

甘泉鍾泗讀書性善記家貧無以供母學負販不卒業

仍苦讀嘉慶六年舉於鄉鍾泗治經長於左氏春秋傳

嘗撰規規過一書抑劉伸杜精妙詳博爲文走筆成干

言無率語又工爲歌詩及賦頌箴誄雜文空所依傍而

不愆於則然名教自守未嘗隨人可否聞議論有不合

於義直言正之不少顧忌友朋間服其直而益樂親其人惜未竟其志年三十九卒

同上
上文苑以

南齊 武勳

呂安國廣陵人宋大明末以將領見任隱重有幹局爲劉劭所稱泰始二年劭征殷炎於壽春安國以建威將軍爲劭軍副抄斷賊糧道燒其運車多所傷殺炎眾奔退安國追之至壽春炎閉門自守安國與輔國將軍垣閔屯據城南眾軍繼至安國勳第一封鍾武縣男累至寧朔將軍義陽太守四年又改封湘縣男司州失守以安國爲督司州諸軍事元徽二年爲晉熙王征虜司馬三年出爲持節都督青兗冀三州緣淮南鋒諸軍事充州刺史明年進冠軍將軍沈攸之事起大祖以安國爲湘州刺史進號前將軍建元元年轉右衛將軍加給事中二年虜寇邊上遣安國出司州安集民戶以本官使持節總荆郢諸軍北討事屯義陽西關虜未至安國移屯沔口以俟應接世祖卽位授使持節散騎常侍平西將軍司州刺史領義陽太守永明二年徙都督南兗充徐青冀五州諸軍事平北將軍南兗州刺史仍爲都督湘州刺史四年湘州蠻動安國督州兵討之有疾徵爲允祿大夫六年遷領軍將軍安國累居將率在朝以宿

舊見遇尋遷散騎常侍金紫光祿大夫八年卒年六十
四贈使持節鎮北將軍南兗州刺史謚肅侯

南齊書二十九

梁

呂僧珍字元瑜東平范人世居廣陵起自寒微事太祖
文皇爲門下書佐太祖爲豫州刺史以爲典籤帶蒙令
居官稱職太祖遷領軍補主簿妖賊唐瑀寇東陽太祖
東討使僧珍知行軍眾局事僧珍受命當行不過私室
建武二年魏大舉南侵高祖率師援義陽僧珍從在軍
中長沙宣武王時爲梁州刺史魏圍守連月義陽與雍
州路斷高祖欲遣使至襄陽求梁州問眾皆憚莫敢行
僧珍請充使單舸上道至襄陽督遣援軍且獲宣武王
書而返高祖甚嘉之事寧補羽林監東昏卽位僧珍西
歸高祖命爲中兵參軍委以心膂僧珍陰養死士歸之
者甚眾義兵起遷輔國將軍步兵校尉師及郢城僧珍
率所領頓偃月壘俄又進據騎城郢州平進爲前鋒大
將軍大軍次江寧僧珍與王茂率精兵先登東昏將李
居士與眾來戰要擊大破之乃進軍白板橋築壘李居
士覘知眾少率銳卒萬人薄城僧珍謂將士曰今力不
敵不可與戰須至塹裏當并力破之俄而皆越塹拔柵
僧珍分人上城矢石俱發自率馬步三百人出其後守

陣者復踰城而下內外齊擊居士應時奔散獲其器甲不可勝計又進據越城東昏大將王珍國列車爲營卽日瓦解建康城平僧珍率所領先入清宮封檢府庫卽日以本官帶南彭城太守遷給事黃門侍郎高祖受禪以爲冠軍將軍前軍司馬封平固縣侯轉左衛將軍加散騎常侍入直秘書省總知宿衛天監四年冬大舉北伐僧珍晝直中書省夜還秘書五年夏又命率羽林勁軍出梁城冬旋軍以本官領太子中庶子僧珍去家久表求拜墓高祖欲榮之使爲本州乃授使持節平北將軍南兖州刺史僧珍在任平心率下從父兄子宏以賊葱爲業僧珍至棄業欲求州官僧珍曰汝等自有常分豈可妄求叨越但當速反葱肆耳僧珍舊宅前有督郵解鄉人勸徙解以益其宅僧珍怒曰督郵官解也豈可徙之姊適于氏在市西小屋與列肆雜處僧珍常導從鹵簿到其宅不以爲恥在州百日徵爲領軍將軍尋加散騎常侍僧珍有大勲恩遇隆密性恭慎當直禁中盛暑不敢解衣侍于御座屏氣鞠躬果食未當舉箸嘗因醉後取一柑食之高祖笑謂曰便是大有所進祿俸外月給錢十萬賜賚不絕十年卒年五十八贈驃騎將軍開府儀同三司謚忠敬侯子峻早卒峻子淡嗣

梁書十一

陳

杜僧明字宏照廣陵臨澤人形貌眇少有勇力善騎射高祖引爲主帥征交阯討元景仲並有功侯景之亂隨高祖入援京師高祖于始興破蘭裕僧明爲前鋒擒裕斬之又與蔡路養戰於南野馬被傷高祖馳往救之以所乘馬授僧明復進大敗路養高州刺史李遷仕據大皋入瀆石以逼高祖僧明擊走之遷仕與寧都人劉孝尚併力將襲南康高祖又令僧明等拒之連戰百餘日卒擒遷仕及高祖下南康留僧明頓西昌督安成廬陵二郡軍事元帝承制授假節清野將軍新州刺史侯景遣于慶等寇南江高祖頓豫章令僧明爲前驅所向克捷表爲長史仍隨東討軍至蔡州僧明率麾下燒賊水門大艦及景平以功除南兖州刺史進爵爲侯承聖二年北圍廣陵加使持節平北將軍荊州陷高祖使僧明率吳明徹等隨侯瑱西援於江州病卒時年四十六贈散騎常侍諡曰威天嘉二年配享高祖廟于晉嗣

陳書八

五代

呂師造揚州人從太祖起淮南爲都將天復元年李神福攻杭州浙將顧全武列八寨以待之神福使師造伏兵青山下陽退兵以誘全武伏發全武被執天祐初復

從周本授衢州刺史陳璋會浙兵來取衢州師造謂本
曰敵去我咫尺而陣不動是輕我也必擊之是日中道
破浙軍師造實與有力焉未幾充南面都統軍使攻蘇
州無功已又從周本南伐敗苑玫於上高遷池州團練
使改饒州刺史師造歷事大祖父子南北征伐多在行
間所嚮輒摧鋒排陣累官光祿大卿檢校太保兼御史
大卿十國春秋七
呂珂揚州人吳太祖以勇敢聞累有戰功擢黑雲部
指揮使其卒也子師周代其職奔於湖南十國春秋六

蔡德榮字景華揚州人元至正

淮南省臣出

征累勞授將仕佐郎湖口縣主

三月揚失守

扈鎮南王北奔執之將命以官力辭羈縻于吳卒甘泉縣志

案舊志有張訓傳考張訓其先廣陵人祖昇唐末官

清流令卒葬滁遂爲清流人據此則訓不得爲廣陵

人矣今刪

明

潘原明泰州人與張士誠同起鹽徒士誠以爲浙江行
省平章守杭州明李文忠師至原明詣軍門納款太祖
以原明全城歸附嘉之仍授行省平章世襲指揮同知

洪武十四年雲南新定以原明為布政使民皆安之十

五年卒賜葬鍾山之陰秦州舊志

徐司馬字從政揚州人元末兵亂年九歲無所依太祖

得之養為子亦賜姓既長出入侍左右及取婺州徐總

制命助元帥常遇春守婺吳元年授金華衛指揮同知

洪武元年從副將軍李文忠北征擒元宗王慶生擢杭

州衛指揮使尋進都指揮使詔復姓九年遷鎮河南時

新建北京於汴梁號重地帝素賢司馬特委任之宋國

公馮勝方練兵河南會有星變占在大梁帝使使密敕

勝且曰并以此語馬兒知之既復敕二人曰天象屢見

大梁軍民錯處尤宜慎防今秦晉二王還京當嚴兵宿

衛王抵汴梁時若宋國公出迓則都指揮居守都指揮

出迓則宋國公亦然敕書官而不名倚重與宋公等十

九年入覲遂擢中軍都督府僉事二十五年以左副總

兵從藍玉征建昌討越鶴明年正月還至成都卒追坐

藍玉黨二子皆獲罪司馬好文學性謙厚所至撫循士

卒甚得眾心在河南久尤有惠政公暇退居一室蕭然

如寒素見明史一百三十四何文輝傳

顧成字景詔其先湘潭人祖父業操舟往來江淮間遂

家江都成少魁岸膂力絕人太祖渡江來歸嘗從上出

舟膠於沙負舟而行從攻鎮江與勇士十人轉鬪入城
被執十人皆死成躍起斷縛仆持刀者脫歸導眾攻城
克之授百戶大小數十戰皆有功進堅城衛指揮僉事
從伐蜀攻羅江擒元帥以下二十餘人進降涪州蜀平
改成都後衛洪武六年擒重慶妖賊王元保八年調守
貴州時羣蠻叛服不常悉平之已從潁川侯傅友德征
雲南爲前鋒首克普定留成列柵以守蠻來攻成出柵
手殺數十百人賊退走餘賊猶在南城成斬所俘而縱
其一曰吾夜二鼓來殺汝夜二鼓吹角鳴礮賊聞悉走
進指揮使諸蠻隸普定者悉平十七年平阿黑螺螄等
十餘寨明年奏罷普定府析其地爲三州六長官司進
都指揮同知三十九年遷右軍都督僉事佩征南將軍
印討水西蠻誅其酋明年西堡滄浪諸寨蠻亂成遣指
揮陸秉與其子統分道討平之成在貴州凡十餘年討
平諸苗洞寨以百數蠻人帖服是年召還京建文元年
爲左軍都督從耿炳文禦燕師戰真定被執燕王解其
縛送北平輔世子居守燕王卽位封鎮遠侯予世券仍
鎮貴州六年召至京賜金帛遣還思州宣慰使田琛與
思南宣慰使田宗鼎構兵詔成以兵壓其境琛等就擒
於是分思州思南地更置州縣遂設貴州布政司其年

臺羅苗普亮等作亂成討平之威震南中土人立生祠祀焉卒年八十有五贈夏國公諡武毅八子

明史一百四十四

李伯昇泰州人初與張士誠同起士誠據姑蘇以伯昇

為浙江行律平章守湖州徐達攻湖州伯昇固守達以

降將呂珍徇城下乃出降太祖仍其官武元年進中

書平章同知詹事院事征陝西二年大行封賞世襲指

揮僉事五年命為征南右副將軍討靖州蠻十三年命

守漳州未幾召還卒

泰州舊志

施文初泰州人本從張士誠後歸附中山王摩下從征

克山東下河南守北平取陝西略察罕腦兒皆預焉尋

從克成都征和林人沙漠征大石崖所在有功陞浙江

都指揮同知改山東都司移鎮淮安子儀襲指揮使

秦州志

陳珪泰州人洪武初從大將軍徐達平中原授龍虎衛

百戶改燕山中護衛從成祖出塞為前鋒進副千戶已

從起兵積功至指揮同知還佐世子居守累遷都督僉

事封泰寧侯永樂四年董建北京宮殿八年帝北征輔

趙王留守北京十五年命鑄繕工印給珪並設官屬兼

掌行在後府十七年卒年八十五贈靖國公諡忠襄

明史一百四十六

曹義字敬方儀真人以燕山左衛指揮僉事累功至都督僉事副丞凱守遼東凱卒代為總兵官數與兀良哈戰正統九年春會朱勇軍夾擊斬獲甚多進都督同知累官左都督義在邊二十年無赫赫功然能謹守邊陲

英宗復辟特封豐潤伯卒贈侯諡莊武見明史一百七十四 丞凱傳

徐政儀真人建文時為揚州衛副千戶以城降成祖累

遷都指揮同知從征交趾奪船於三帶江以濟大軍拔

西都戰鹹子關皆有功陳季擴反盤灘地最要衝張輔

遣政守之七年八月賊黨鄧景異來攻與戰飛鎗貫脇

猶督兵力戰竟敗賊賊退腹潰而死見明史一百五十四 張輔傳

蔣貴字大富江都人從成祖起兵積功至衛指揮同知

從大軍征交趾及沙漠遷都指揮僉事掌彭城衛事宣

德二年松潘諸番叛充右參將從總兵陳懷討之進都

指揮同知鎮守密雲七年復命為參將佐懷鎮松潘明

年進都督僉事充副總兵官又明年諸番復叛貴督兵

四千破任昌大寨以次討平龍溪等三十七寨進都督

同知充總兵官佩平蠻將軍印鎮守英宗即位以所統

皆極邊地奏增軍士月糧正統元年召還為右都督阿

台寇甘涼命帥師討之明年貴敗之于狼山追抵石城

將二千五百人為前鋒疾馳三日夜抵其巢阿台方牧

馬貴猝入馬羣令士卒以鞭擊弓韉驚馬馬盡佚敵失
馬挽弓步鬪貴縱騎蹂擊大敗之復分軍爲兩翼轉戰
八十里朶兒只伯以數騎遁西邊悉平三年以捷聞封
定西伯給世券明年鎮甘肅又明年以征麓川蠻思任
發召還京六年命佩平蠻將軍印充總兵官與王驥帥
師進搗麓川破木籠山七寨及馬鞍山象陣功第一明
年師還進封侯八年復與驥討思機發攻破其砦明年
師還賞賚甚渥是役也貴子雄乘敵敗帥三十人深入
敵扼其後自刎沈於江贈懷遠將軍十四年貴卒年七
十贈涇國公諡武勇貴起卒伍不識字天性樸實忘已

下人能與士卒同甘苦出境討賊衣糧器械常身自臺
負不役一人臨陣輒身先之以故所向有功子義病不

能嗣以義子琬嗣侯

明史一百五十五

蔣琬天順末佩平羌將軍印總兵甘肅築甘州沙河諸
屯堡成化八年召還協守南京兼督操江十年入督十
二團營尋兼總神機營兵上言北京但有內城已已之
變敵騎長驅直薄城下可以爲鑒今西北隅故址猶存
亟行勸募之令成功不難又言大同宣府諸塞下腴田
無慮數十萬悉爲豪右所占畿內八府良田半屬勢要
家細民失業脫使邊關有警內郡何資運道或梗京師

安濟請按覈塞下田定其科額畿內民田嚴戢豪右毋得侵奪章下所司雖不盡行時論譴之十三年帥京軍防秋大同宣府陳機宜十餘事皆報可十五年偕汪直按遼東邊事二十年出禦邊寇累加太保兼太子太傅卒贈涼國公諡敏毅子驥嗣宏治中充總兵官歷鎮薊州遼東湖廣官中外二十年家無餘貲再傳至孫傳嘉靖中累典軍府佩征蠻將軍印鎮兩廣以平海賊及慶遠徭功加太子太保

同上

許貴字用和江都人永新伯成子也襲職爲羽林衛指揮使擢山西行都司督操大同諸衛土馬正統末守備大同西路也先入寇從石亨戰陽和敗績力戰得還英宗北狩邊城悉殘貴以忠義激戰士敵來擊敗之進都指揮使景泰元年春充右參將敵寇威遠追敗之蒲州營奪還所掠人畜敵萬騎逼城下禦卻之再遷都督同知大同乏馬命求民間得八百餘匹所司不給直貴爲請乃予之嘗募死士入賊壘劫馬百餘悉畀戰士士皆樂爲用分守中官韋力轉淫虐眾莫敢言貴奏劾之三年疾還京英宗復辟命理左府事尋調南京松潘地雜番苗廷議設副總兵以貴鎮守未抵鎮而山都掌蠻叛詔便道先翦之貴直抵其巢連破四十餘砦賊遠遁貴

亦感嵐氣未至松潘卒帝爲輟朝一日賜賻及祭葬如

制子寧

明史一百七十四

許寧字志道正統末自以舍人從軍有功爲錦衣千戶
貴歿嗣指揮使用薦擢署都指揮僉事守禦柴溝堡成
化初充大同遊擊將軍寇入犯禦之擒其右丞把禿等
十一人改督宣府操練移延綏地逼河套寇數入掠孤
山堡寧提孤軍奮擊之三戰皆捷寇渡河走明年復與
總兵官房能禦之寇退復掠康家空寧出塞追戰獲馬
牛羊千餘而還時能守延綏無將略詔大同巡撫王越
率眾赴越遣寧出西路破敵黎家澗進都指揮同知朝
廷以阿羅出復入河套頻擾邊命越與朱永禦而以寧
才擢都督僉事代越充總兵官冬賊入安邊寧追擊有
功七年又敗寇於混忽都河璽書褒獎迨北開元王把
哈孛羅屢欲降內懼朝廷見罪外畏阿羅出讐之徬徨
不決寧請撫慰以固其心卒降之滿都魯等屢犯延綏
寧率鎮兵力戰寇不得志乃出西路直犯環慶固原寧
將輕騎夜襲之鴨子湖奪馬畜而還又明年滿都魯等
大入西路寧及宣府將周玉襲破其巢進署都督同知
築邊牆增營堡寇患少衰十八年寇分數道入寧蹙之
邊牆獲級百二十予寶授時越方鎮大同命寧與易鎮

小王子大入寧知敵盛欲持重侯隙乃斂兵守而別遣將相犄角十戰少利更以捷聞降指揮同知閒住宏治中用薦署都指揮使十一年卒贈都督僉事寧東髮從軍大小百十餘戰身被二十七創性沈毅守官廉待士有恩不屑干進子泰

同上

顧溥江都人鎮遠侯成元孫也嗣侯掌五軍右掖宏治二年拜平蠻將軍鎮湖南始至捕斬苗中首惡五年十月貴州都勻蠻乜富架作亂梗滇蜀道詔溥充總兵官率兵八萬討之分五路刻期並進誅富架父子斬首萬計加太子太保增祿二百石入提督團營掌前軍都督府事十八年卒諡襄恪溥清慎守法卒之日囊無餘貲

英國公張懋出布帛以殮子仕隆嗣

明史一百四十四

顧仕隆管神機營左哨得士心正德初出爲漕運總兵數請恤軍卒鎮淮安十餘年以清白聞武宗南巡江彬橫甚折辱諸大吏惟仕隆不爲屈嘉靖初移鎮湖廣尋召還論奉迎防守功加太子太傅掌中軍都督府事錦衣千戶王邦奇怨大學士楊廷和兵部尚書彭澤上疏言哈密失策事由兩人帝怒逮繫廷和諸子壻給事中楊言疏救忤旨事下五府九卿科道議仕隆言廷和功在社稷邦奇小人假邊事惑聖聽傷國體有召切責移

重刊州志 卷之五十一
病解營務卒贈太傅諡榮靖子寰嗣

同

顧寰守備南京讞獄多所平反十七年為漕運總兵官
明年獻皇后梓宮赴承天漕舟以避梓宮後期者三千
而江南北多災傷寰請被災地停漕一年令改折色軍
民交便又條上漕政七事並施行諸為漕蠹者病之遂
布蜚語為給事中王文所劾已按驗不實再鎮淮安會
安南事起移鎮兩廣莫宏灝者安南都統使莫福海子
也福海死宏灝幼其權臣阮敬與族人莫中正搆兵國
內亂正中逃入欽州時有議乘釁取安南者寰與提督
侍郎周廷決策令宏灝襲都統使安南遂定尋以兵討
平桂林平樂叛徭復命鎮注有禦倭功入總京營加太
子太保復出督漕召還請老隆慶五年特起授京營總
督尋乞休神宗嗣位起掌左府久之致仕加少保萬曆
十年卒贈太傅諡榮僖自溥至寰三世皆寬和廉靖內
行謹飭曉文藝仕隆寰兩世督漕皆勤於職明史一百四十四
仇鉞字廷威鎮原人初以備卒給事寧夏總兵府會指
揮僉事仇理卒無嗣遂令鉞襲其世職為寧夏前衛指
揮同知理江都人故自稱江都仇氏再以破賊功進都
指揮僉事正德二年薦擢寧夏遊擊將軍五年安化王
寘鐫及都指揮何錦周昂指揮丁廣反鉞時駐城外玉

泉營念妻子在城中恐爲所屠滅遂引兵入城解甲覲
寘鐻歸卧家稱病以所將兵分隸賊營錦等信之時時
問計鉞亦謬輸心腹而陰結壯士遣人潛出城令還報
官軍旦夕至鉞因給錦廣宜急出兵守渡口遏東岸兵
勿使渡河錦廣果傾營出而昂獨守城寘鐻召鉞鉞稱
病亟昂來視鉞方堅卧呻吟伏卒猝起捶殺昂鉞乃被
甲橫刀提其首躍馬大呼壯士皆集徑馳寘鐻第縛之
傳寘鐻令召錦等還而密諭其部曲以擒寘鐻狀眾遂
大潰錦廣單騎走爲邏卒所獲舉事凡十八日而敗先
是中朝聞變議以神英爲總兵官而命鉞爲副俄傳鉞
降賊欲追救大學士楊廷和曰鉞必不降賊今知朝廷
擢用志當益堅不然棄良將資敵人耳乃不追事果定
而劉瑾暱陝西總兵官曹雄盡以鉞功歸之鉞竟無殊
擢瑾誅始進署都督僉事充寧夏總兵官尋論功封咸
寧伯予世券明年召掌三千營七年拜平賊將軍偕都
御史彭澤討河南盜劉惠趙燧出師四月而賊悉平旣
平河南賊移會陸完共滅劉七等於江北論功進世侯
八年大同有警命充總兵官統參軍禦之鉞上五事中
請還京操邊軍停京軍出征以省公私之擾尤切時弊
時不能用十年稱疾解營務世宗立再起督三千營掌

重刊揚州府志 卷之五十一
前府事未上卒年五十七諡武襄

明史一百七十五

喬基江都人世襲揚州衛指揮僉事中武科性孝友父嗜鮭魚及歿終身不忍舉箸精騎射累官京營參將以病歸嘉靖間倭寇通州當道就家起之屢著戰功復授蘇松參將時倭再寇通州又大敗之於狼山未幾病卒橐裝如洗子孫寄棲官廨焉

康熙志

王繩堯字又元江都人祖父及堯俱以武科舉鄉榜第一堯天啓二年成進士累官四川南路總兵松潘威茂間大著威望土司奢酋犯順計殄之銷鋒鏑爲錢鏹洞獠咸感其德告歸年八十六卒蜀人立祠祀之

江都縣志

張宿字垣樞高郵人崇禎十年武進士沈勇有智畧任六合縣守備時寇盜四起天下騷動六合負阻江淮苦侵暴宿至選壯士陳賓周好爲親軍練卒伍修城池賊不敢犯調柘林守備宿度已去賊必復來潛伏烽火率輕騎陽往柘林明日賊果至烽舉回兵勦殺殆盡遷南京遊擊與流賊顧三等相持閱歲用少擊眾屢挫其鋒一日往金山猝遇賊命周好爲前部挺鎗出叱之眾悉驚潰自是威名日振陞松江參將尋陞江陰副總兵江陰東下海口海盜數出爲患宿領協鎮值賊勢猖獗揚帆大集水軍失利賊大半登岸宿聞報領精卒出戰取

薪圍宅命妻子曰吾往恐不返死王事吾志也身為重
臣家人不可受辱分兵列城外張左右翼待之陣甫定
賊前鋒突進宿奮力死戰軍士無不以一當百賓好兩
騎橫貫陣已出復入者再賊披靡莫當遂退宿乃晝夜
操練以已意運用成法教演水兵賊復至設計大破之
斬其僞王蔡某並偏裨數人捷聞拜本鎮總兵賊又推
蔡弟為主往來紛擾數月間四十餘戰皆克捷江陰獲
全後歸里年四十二卒周好先卒陳賓後任武職以才

能顯

高郵州志

國朝

楊捷字元凱其先寶應人以世襲指揮家遼左順治初
授山西遊擊破太行賊有功陞總兵官鎮九江尋討賊
粵東克潮州累加左都督太子少保移鎮揚州改山東
提督平東萊之亂福建海氛未靖再晉少保兼太子太
保提督福建水陸軍務至則先攻定海以分賊勢隨合
師從惠安搗賊老營克之先是泉州陷於賊既克制府
欲屠之捷力阻得免以功加昭武將軍時賊尚屯漸山
等處分十九寨捷先取諸島嶼連建七營調集八漿各
船示以欲渡賊受制不能分應遂破十九寨寇平以原
銜管江南提督事給世襲三等阿達哈哈番入籍江都

仁廟南巡捷迎謁道左

御書丹誠二字額旌之卒

贈少傅謚敏壯曾孫景素援例為縣丞積官至直隸布政

使與平山東賊王倫終直隸總督

見江都縣志暨別傳

董大用字仰山遼東籍泰州人順治初任贛州鎮中軍官金聲桓叛圍城數月石米五十金大用預儲米數千斛盡以餉卒賑民時乘間出兵奮擊圍解以功陞廣東總兵予世職調守海澄宣布威德海上歸附者甚眾康熙中乞休入籍泰州屢歲水滂大用捐銀米以賑活飢民百餘萬口又修建學宮葺復海陽樓州人德之

泰州志

楊凱字廖起儀真人嘗夜過單家橋聞鬼稱楊四將軍

由康熙四十八年進士選侍衛出為鎮守前營遊擊至則擒兇苗龍老四等戮之五年中三攻苗寨遷辰州協副將以辦改土歸流陞本鎮總兵拏獲容美土司田旻如等十九土司悉歸化黔苗亦以次勦平乾隆初補授提督以事免官起復河北鎮總兵甫任事河內武陟兩邑河漲衝決凱率官弁搶築隄岸一日合龍因擅收災黎呈報罷職歸尋給三品銜子文淵乾隆二十五年進

士知福建延平縣

儀徵縣志

周之松字壽千泰州人雍正元年武進士授廣東督標

後營守備歷署兩廣參將軍政簡嚴工詩愛客雅歌投
壺衙署臨海上有二番客爭珠大謀械鬪適之松攜子
虹來香嶼命懸珠百步外榕枝上射之令日分左右黨
射中左珠歸左中右歸右皆中各執一客曰諾虹旋馬
去後嶺飛策馳下一矢電激兩珠齊墮地客乃罷自是
洋宄奸賈搖手過境數歲海疆晏然節略

劉夢金字賢受泰州姜堰人乾隆十七年武進士二等
侍衛授廣東遊擊簡嚴明營務整肅陞任江西廣信
參將辦封禁山事山連閩粵綿亘八百餘里多奸宄竄
聚夢金督率巡察山境肅然遷閩省興化協鎮防禦尤

嚴疊署漳州汀州南澳諸鎮調補臺灣北路協鎮往還
兩次積勞成疾累巡海壇等處適六瑀港洋匪滋擾身

先士卒擒獲殆盡後以疾作告歸年七十六卒新

阮玉堂字履廷儀真人始祖當明神宗時由山陽遷江
都明末居郡城北公道橋玉堂生而倜儻有志概行止
偉岸少能挽強馳射矢無虛發尤喜讀書爲古文詞詩
歌援筆立就康熙五十年占籍儀真中武舉五十四年
成進士分鑲藍旗教習雍正元年授三等侍衛出爲湖
北撫標中軍參將調湖南九谿營遊擊乾隆五年城步
綏寧兩縣苗匪數萬盤踞山谷殺傷官兵玉堂奉檄隨

鎮守總兵掩剿苗匪悉精銳屯山口玉堂身先士卒斃賊甚多賊大潰復進攻樹砦及南山大箐橫坡諸險隘賊積木石斷山路玉堂探知間道攀藤越嶺而入墜傷膝以布縛膝進益力遂克之餘黨八百戶退據南嶺出數十人近營跪哭乞降玉堂察其誠爲請於總督張廣泗以死任之廣泗命發三礮斃數十人眾莫敢轉側始受降又搜獲橫坡男婦子女千餘人欲盡誅之玉堂力請婦女及男子十六歲以下者皆免之是役也前後十餘戰突入數百里謀勇並著兵無少挫功爲諸將最而不殺降賊保全尤多九谿城北山周數十里兵民皆仰給此山有明季指揮豪姓之子孫訟言山本指揮舊地總督委勘將爲所奪矣玉堂至省力言絕萬家之葬空樵蘇而以資豪姓利大不便乃止兵民感其德家祀一主尸祝之十三年陞河南衛輝營參將營務廢弛兵貧而倚玉堂限期操練相率辭糧去大吏劾免官歸十六年

高廟南巡跪迎於高旻寺蒙

垂詢可是鄂容安所參者謹對曰是十七年起用廣東羅定協

都司陞欽州營遊擊年六十五卒於官

誥授招勇將軍著有珠湖草堂詩集三卷琢菴詞一卷箭

譜一卷陣法二卷嘉慶四年以孫元官戶部侍郎浙江巡撫累

贈光祿大夫戶部侍郎

家傳以武勳

南齊

劉壽之高昭皇后諱智容之父也仕宋為員外郎后母桓氏夢吞玉勝生后時有紫光滿室以告壽之壽之曰恨非是男桓笑曰雖女亦足與吾家矣建元元年尊謚昭皇后贈壽之金紫光祿大夫桓氏上虞都鄉君

雍正志

明

陳公逸其名揚州人淳皇后父也宋末從張世傑軍匿山世傑死陳公舟亦敗得脫棲海島糧絕同棲者將往鬻體山食死馬陳公夢白衣人戒曰勿往食夜有舟至可其載也寤而如戒是夕又夢紫衣人杖叩之曰起起舟至矣陳公驚起則已在元帥某舟中蓋公舊所事統領官降於元將憐而載之也將有令毋畱附舟人統領官匿之皇板下取食飲從板隙投之事將洩忽颶風大發將懼甚統領官白公有巫術令出而詛之風果止遂予公飲食送歸揚州公由是棄軍籍避地盱眙以巫術行久之生二女其季即淳皇后也公無子年九十九始卒洪武二年追封揚王媪為王夫人立祠太廟東明年

有言王墓在盱眙者中都守臣按之信帝迺命中書省
卽墓次立廟設祠祭署奉祀一人守墓戶二百一十家

世世復而諭翰林學士宋濂文其碑撤太廟東祠

考宋濂追崇揚王神道碑亦曰王姓陳氏世爲維揚人不知其諱

尹清其先華陰人襲官揚州衛洪武二十七年清授徒

京師選尚含山長公主高皇帝妃高麗韓氏所生以早

失母最爲太祖所愛賜予特盛清授駙馬都尉卒贈光

祿大夫

雍正志

趙輝字孟暘其先宋宗室扈從南渡遂家江都父和府
軍後衛千戶征交趾歿輝方七歲長以廕官備宿衛太


宗命尚太祖寶慶長公主拜駙馬都尉英宗北狩輝留

守京城卒年八十有二

雍正志

以

重修揚州府志卷之五十一



三作抄

卷之五十一

三

